



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 70. Protestantium Scriptorum lucubrationes & decessus.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Evangelia, tractatum de libero arbitrio & concupiscentia, & sex orationes funebres. Sæc. XVII.
A. C. 1704.

§. LXX.

Protestantium Scriptorum decessus & lucubrationes.

Ex pluribus Scriptoribus A catholicis, quos hoc anno mors vivis eripuit, celebriores adducimus, quos inter primo loco venit Andreas Caroli, qui edidit memorabilia Ecclesiastica Sæculi XVII. & epistolam apologeticam pro horum memorabilium fide historica. II. Christophorus Franckius scripsit specimen controversiarum Ecclesiæ Lutheranæ cum Remonstrantibus, exercitationes Anti-Wendelianas & Anti-Limborchianas. III. Joannes Locke posteris reliquit tentamen humani intellectus, epistolam de tolerantia, librum de educatione filiorum, tractatum de civili regimine, & Paraphrasin in Epistolam D. Pauli. IV. Joannes Abraham Birnbaum vulgavit dissertationes de privilegio, de contractu literali, de licentia renuntiandi, de jure pupillorum, & de foro privilegiato. V. Job Ludolph scripsit Lexica Amharicolatinum, & Æthiopico-Latinum, Historiam Æthiopicam, epistolam ad

Niceron l. c.

Q 2 Abyssi-

Sæc. XVII. Abyssinorum gentem, commentarium
 A. C. 1705. & Appendicem ad Historiam Æthiopi-
 cam, Psalterium Davidis Æthiopice,
 Confessionem fidei Claudii Regis Æthio-
 piæ, tractatum de bello Turcico feliciter gerendo, unacum epistolis Pii V. pluraque alia. VI. Joannes Hedingerus elucubravit dissertationem de fœdere gratiæ, Quæstiones de discrepantia V. T. a N. dissertationem de clypeo S. Georgii seu de fœdere Suecico, & nonnulla alia.

*Vid. supra
 pag. 106.*

§. LXXI.

Clementis XI. Constitutio contra exterranam obedientiæ Jansenianæ speciem.

Recueil Hist. des Bull. Dupin t. 4. Hist. d'Eccl. Hode vie de Louis XIV. lib. 57. Quamvis Archiepiscopus Mechliniensis præcipuos Jansenianæ factionis Duces in Belgio acriter insectatus esset, nihilominus non deerant, qui in Galliis novas, easque tam Ecclesiæ quam Regno noxias concitarent turbas, editisque libris spargerent, quod Clemens XI. admittendo quatuor Franciæ Episcopi ad Ecclesiæ pacem, duntaxat obsequiosum silentium circa Jansenii factum requisierit, & Innocentius XII. damnando quinque ejus propositiones in sensu obvio diversum a sensu Jansenii damnaverit, nec circa definitionem sensus